

Morning Regional Dogri News Bulletin, 28th March 2024

मार्निंग डोगरी न्यूज़ बुलेटिन, समे. 09-20 Hrs

<><><><><><>

Headlines

1. लोकसभा चुनावों दे दुए गेड़ लेई अधिसूचना अज्ज जारी करी दित्ती गई ऐ। इस गेड़ तैहत जम्मू पार्लिमानी हल्के च 26 अप्रैल गी मतदान होग।
2. उधमपुर संसदी सीट लेई कुल 15 मेदवारें नामांकन दाखल कीते न। मेदवारें दी नामजदगी आले कागदें-पत्रें दी जांच अज्ज कीती जाग।
3. बक्ख-बक्ख सियासी पार्टिएं जम्मू कश्मीर थमां AFSPA हटाने दे गृमंत्री अमित शाह हुंदी पेशकश दा सुआगत कीता ऐ।
4. सेना प्रमुख होरें आक्खेआ ऐ जे भारत हर लेहाज कन्नै तैआर ऐ। उनें आत्म-निर्भर बनने ते फौजी कारवाइएं सरबंधी तैआरिएं गी आला दर्जे दा बनाने पर जोर पाया ऐ।
5. आईपीएल क्रिकेट च सनराइजर्स हैदराबाद नै मुंबई इंडियनस गी 31 रंजें कन्नै हराया। अज्ज जयपुर च राजस्थान रॉयल दा मकाबला दिल्ली कैपिटल्स कन्नै होग।

<><><><><><>

Jammu Seat Notification

जम्मू लोकसभा सीट लेई मतदान दुए गेड़ लेई अधिसूचना अज्ज जारी करी दित्ती गई ऐ। इस गेड़ तैहत पूरे मुल्खे च 12 राज्यें ते केन्द्र शासत प्रदेशें दिएं कुल 88 लोक सभा सीटें समेत बाहरली मणिपुर लोकसभा हल्के लेई बी मतदान होग। नामांकन दाखल करने दी खीरी तरीक 4 अप्रैल होग ते मतदान 26 अप्रैल गी कराया जाग। दाखल नामजदगिएं दे कागजें पत्रें दी जांच 5 अप्रैल गी होग ते जेकर कोई मेदवार नां वापस लैना चांहदा ऐ ओह 6 अप्रैल तोड़ी इआं करी सकदा ऐ।

<><><><><><>

Udhampur Seat(byte)

उधमपुर लोकसभा हल्के लेई नामांकन भरने दा कल खीरी दिन हा। 8 मेदवारें कल नामांकन भरेआ जेहदे मगरा कुल मेदवारें दी गिनतरी 15 तगर जाई पुज्जी ऐ। कांग्रेस दे मेदवार चौधरी लाल सिंह, एकम सनातन भारत दल दे मनोज कुमार जम्मू कश्मीर नैशनल पैथर्स पार्टी दे बलवान सिंह ते 2 आजाद मेदवारें बी नामांकन भरेआ ऐ। भाजपा दे इस हल्के लेई मेदवार ते प्रधानमंत्री हुंदे दफतरै च राज्य मंत्री डॉ. जितेन्द्र सिंह ते डीपीएपी दे जी.एम.सरूरी होरें पैहले गै अपना नामांकन भरी चुके दे न। नामांकन पत्रें दी जांच अज्ज कीती जाग ते 30 मार्च तगर मेदवार अपना नां वापस परताई सकदे न। होर जानकारी आकाशवाणी दे कटुआ संवाददाता थमां.....बाईट

<><><><><><>

DEO Jammu

जम्मू दे जिला चुनां अधिकारी सचिन कुमार वैश्य होरें कल अखनूर ते खौड़ इलाके दा दौरा लाया ते औंदे लोकसभा चुनाएं दी तैआरिएं दा जायजा लैता। उनें स्ट्रांग रूमें दा जायजा लैता। उनें बक्ख-बक्ख मतदान केन्द्रें उपपर उपलब्ध सूहलतें दा बी जायजा लैता। उनें अखनूर ते खौड़ इलाके च तैनात 2 थमां बद्ध बूथ सतह दे अफसरें गी सरबंधत जानकारी दित्ती। चुनां अधिकारी होरें लोकें गी चुनां प्रक्रिया च बद्धोबद्ध शमूलियत जकीनी बनाने लेई बी जोर पाया। उनें “चुनां का पर्व, देश का गर्व ते मतदान जनेहा किश नेई, मे पक्क गै वोट करग” अभियान गी जोर शोर कन्नै चलाने लेई गलाया।

<><><><><><>

DEO Samba

सांबा दे जिला चुनां अफसर अभिषेक शर्मा होरें कल विजयपुर सब-डिवीजन दे बक्ख-बक्ख मतदान केन्द्रें पर जाइयै औंदे चुनां लेई कीती जा'रदिएं तैआरिएं दा जायजा लैता ते उत्थें उपलब्ध कराए जाने आलिएं सुविधाएं सेवाएं दे बारे च तफसीली जानकारी हासल कीती। उनें सरबंधत सब्बने धड़ें गी निर्देश दित्ता जे नियमें मूजब लोड़चदे बंदोबस्त पैहले गै करियै रखन तां जे मतदान पूरी चाल्ली रमानदारी ते बवस्था आले ढंगै सिर तोड़ चाढ़ना जकीनी बनी सकै। उनें भारतीय चुनां आयोग दे दिशा-निर्देश ते मानकें ते नियमें दी पूरी चाल्ली पालमा करने लेई आक्खेआ। इस मौके एसएसपी सांबा विनय कुमार, सिखलाई प्रबंधन दे नोडल अफसर डॉ. कुसुम चिब ते होर केई जिला ते सेक्टरल अफसर बी उंदे कन्नै मजूद हे।

<><><><><><>

EVM Udhampur

औंदे लोकसभा चुनां लेई तैआरिएं दे सिलसिले च जिला चुनां प्राधिकरण उधमपुर आस्सेआ महिला मतदाता केन्द्रें लेई महिला टीम दे इक सिखलाई कार्यक्रम दा सरिस्ता कीता गेआ। जिला सतह दे सिखलाई अधिकारिएं प्रतिभागिएं गी मतदान करोआने दी पूरी प्रक्रिया, तरीकें ते नियमें दी जानकारी दित्ती। इस दरान उनेंगी चुनां आयोग दे नियमें दे दिशा निर्देश दी सख्ती नै पालमा करने दा बी निर्देश दित्ता।

<><><><><><>

AFSPA

बक्ख-बक्ख सियासी पार्टिएं जम्मू कश्मीर चा थेआरबंद बलें गी विशेष इख्तयार देने आले AFSPA कनून गी हटाने दी पेशकश दा सुआगत कीता ऐ। जिंदे च साबका मुख्मन्त्री उमर अब्दुल्ला ते महबूबा मुफ्ती बी शामिल न। मीडिया रिपोर्टें जिंदे च केन्द्री गृहमन्त्री अमित शाह हुंदे हवाले च आक्खेआ गेदा ऐ जे बीजेपी दी अगुवाई आली केन्द्र सरकार भविक्ख च जम्मू कश्मीर थमां AFSPA कनून गी हटाने बारे बचार करोग, इनें नेताएं अपनी प्रतिक्रिया दित्ती ऐ। कल श्रीनगर च उमर अब्दुल्ला होरें आक्खेआ जे जम्मू कश्मीर च सुरक्षा हालात च बेह्तरी गी दिक्खदे होई इसी हटाई दित्ता जाना लोड़चदा। “एक्स” पर अपनी इक पोस्ट च पीडीपी अध्यक्ष ते साबका मुख्मन्त्री महबूबा मुफ्ती होरें आक्खेआ जे उंदी पार्टी क्या चिरे थमां AFSPA हटाने दी मंग करदी आवा'रदी ऐ। महबूबा हुंदी धीह इलित्तिजा मुफ्ती, जेड़ियां उंदी मीडिया सलाहकार बी ऐन, होरें आक्खेआ जे पीडीपी इस घोषणा दा सुआगत करदी ऐ ते एह इक खरी शुरुआत ऐ। बीजेपी दे जम्मू कश्मीर प्रवक्ता अलताफ ठाकुर हुंदे हवाले कन्नै खबर च आक्खेआ गेआ ऐ जे जम्मू कश्मीर रमानदारी ते खुशहाली दी बत्तै पर अगड़े बधै करदा ऐ ते हुन AFSPA हटाने दा समा आइ गेदा ऐ। परपुल्स कांफ्रेंस दे प्रमुख जद्दाज लोन होरें आक्खेआ जे जम्मू कश्मीर च AFSPA हटाने दी पेशकश इक शानदार पैहलकदमी ऐ। तोआई साबका गवर्नर एन.एन.वोहरा होरें बी AFSPA हटाने बारे ब्यान दा सुआगत कीता।

<><><><><><>

PM-Garba

प्रधानमंत्री नरेन्द्र मोदी होर विश्व च गरबा दी बघदी लोकप्रियता पर खुशी जाहर कीती। इक सोशल मीडिया पोस्ट च मोदी होरें आक्खेआ जे गरबा गी किश चिर पैहले UNCO दी सामुदायिक सांस्कृतिक विरासत सूचि च थाहर थोई ही ते किश दिन पैहले गै पैरिस च इस सरबंघे च मान्यता प्रमाण-प्रत्र हासल होआ। प्रधानमंत्री होरें आक्खेआ जे गरबा जीवन, संस्कृति ते समर्पण दा आयोजन ऐ ते एह लोके गी इक दुए दे कोल लेई औंदा ऐ।

<><><><><><>

Army Chief

सेना अध्यक्ष जनरल मनोज पांडे होरें आक्खेआ ऐ जे मुख्य हर लेहाज कन्नै तैआर ऐ ते फौज दिऐं कारवाइएं सरबंघी तैआरिएं बी बडे आला दर्जे दियां न। इक निजी न्यूज चैनल आस्सेआ जंदी संजा आयोजित इक सैमीनार दरान बोलदे होई जनरल पांडे होरें जोर देइयै आक्खेआ जे भारत दी प्रतिक्रिया आली प्रणाली बडी मजबूत ऐ। चीन बारे बोलदे होई उनें आक्खेआ जे भारत समर्थ ते ढांचागत विकास बक्खी ध्यान देने दे कन्नो-कन्नी बन्ने पर होने आली घटनाएं पर बी नेडमी तक्क रक्खा करदा ऐ। उनें इस गल्लै पर जोर पाया जे आत्म-निर्भर बनने दी रणनीति, भविक्ख लेई अत्त-लाजमी ऐ। जनरल पांडे होरें आक्खेआ जे रक्षा खेत्तर च अपनी विशेष समर्थ विकसित करने बक्खी चेचा ध्यान दित्ता जा'रदा ऐ।

<><><><><><>

Anurag Ambassador

सूचना-प्रसारण, युवा मामले ते खेड्ड मंत्री अनुराग सिंह ठाकुर होरें जंदी संजा विकसित भारत दे दूते, उद्योगपतिऐं ते स्टार्टअप्स चलाह करदे नोजवाने कन्नै मलाटी करियै उंदिऐं समस्याएं बारे जानकारी हासल कीती। जम्मू दे कारोबारिएं, उद्योगपतिऐं ते स्टार्ट-अप्स चलाह करदे नोजवाने मंत्री होरें गी गुजारश कीती जे सरकार गी स्टार्ट अप्स लेई होर जिमीं ते उद्योगें लेई खास पैकेज उपलब्ध करोआने लोडचदा न। स्टार्ट-अप्स शुरू करने आले नोजवाने अनुराग ठाकुर होरें गी आग्रेह कीता जे उनेंगी मार्किटिंग ते सब्सिडी आले विशेष पैकेज दित्ते जान। उनें मंत्री होरें गी दस्सेआ जे जम्मू कश्मीर गी करठन इलाका होने दा नुकसान भुगतना पौंदा ऐ ते सरकार गी नेडमे भविक्ख च इत्थें ढांचागत विकास बक्खी खास ध्यान देना लोडचदा ऐ। मंत्री हुंदे नै मलाटी करन आए दे फिल्म उद्योग दे लोके ते खडारिएं आक्खेआ जे पिछले 4-5 बरें दरान प्रदेश च बालीवुड ते कन्नै खेड्डे सरबंघी गतिविधिऐं च बी बडा बाद्धा दर्ज कीता गेआ ऐ।

<><><><><><>

e-Buses

जम्मू दे ट्रांसपोर्टरें इत्थें ई-बस्सां चलाने खलाफ अज्ज इक दिनै दी हड़ताल दी घोषणा कीती दी ऐ। ट्रांसपोर्टरें दा आक्खना ऐ जे ई-बस्सां चलाने कन्नै उंदे कम्म पर फर्क पोआ करदा ऐ। आकाशवाणी दे जम्मू संवाददाता नै जानकारी दित्ती ऐ जे प्राइवेट बस मालके स्मार्ट सिटी ई-बस्सां चलाने खलाफ कल बस्सें दी हड़ताल कीती दी ही। उनें उपराज्यपाल होरें गी अपील कीती जे इस मामले च दखल दित्ती जा।

<><><><><><>

Security Audit Website

केन्द्र शासत प्रदेश सरकार नै अपने मैहकमे गी निर्देश जारी कीता ऐ जे ओह अपनी वेबसाईटें ते ऐप्स दा सीईआरटी-इन यानि कम्प्यूटर इमरजेसी रिसपांस टीम इंडिया कन्नै दर्ज अजेसिएं कोला इक म्हीने दे अंदर

सुरक्षा आडिट कराई लैन। आकाशवाणी दे जम्मू संवाददाता नै जानकारी दित्ती ऐ जे इस कारवाई दा मकसद सरकारी वैबसाइटें ते ऐप्स दी सुरक्षा गी जकीनी बनाना ऐ तां जे ओ कुसै साइबर हमले दे खतरे दा शकार नेई होई जान। एह्दे इलावा प्रशासनिक सचिवें गी आक्खेआ गोआ ऐ जे एह सुरक्षा आडिट घट्टोघट्ट ब'रे च इक बारी जरूरी कीती जानी लोडचदी।

<><><><><><>

IPL

आईपीएल च सनराइजर्स हैदराबाद नै मुंबई इंडियनस गी 31 रंजें कन्नै राजीव गांधी अंतर्राष्ट्रीय स्टेडियम हैदराबाद च कल रातीं हराई दित्ता। हैदराबाद नै 277 रंजें दा लक्ष्य रक्खेआ। हैदराबाद लेई क्लासन होरें 34एं गेंदे च 80 रंज बनाए, अभिषेक शर्मा होरें 23 गेंदें च 63 रंज बनाए। 2 सौ 78 रंजें दा पीछा करदे होई मुंबई इंडियनस नै 20एं ओवरें च 226 रंज बनाए। तिलक वर्मा नै 34 गेंदे च 64 रंज बनाए। अज्ज संजा राजस्थान रॉयल दा मकाबला दिलली कैपिटल्स कन्ने जयपुर दे स्वाई मान सिंह स्टेडियम च संजा साढे 7 बजे होग।

<><><><><><>